



## **KENYATAAN MEDIA MENTERI EKONOMI**

### **17.65 JUTA (58.7%) PROFIL WARGANEGARA TELAH DIKEMASKINI DI SISTEM PADU**

Sepertimana yang semua pihak sedia maklum, pendaftaran PADU telah ditutup pada 11:59 malam, 31 Mac 2024. Saya ingin mengucapkan syabas dan tahniah kepada pasukan pembangunan sistem PADU di Kementerian Ekonomi, Jabatan Perangkaan Malaysia (DOSM), Jabatan Digital Negara, Kementerian Komunikasi dan juga agensi-agensi lain yang terlibat atas usaha menjayakan pelaksanaan PADU.

Komitmen yang tinggi dan tidak berbelah bahagi telah ditunjukkan oleh pasukan PADU sejak hari pertama pendaftaran dibuka hingga pendaftaran ditutup.

Di kesempatan ini juga, saya mengucapkan penghargaan saya kepada semua rakyat Malaysia yang telah mengambil inisiatif untuk mendaftar PADU.

Seramai 11.55 juta (52.6%) warganegara berumur atas 18 tahun telah berjaya mendaftar dan mengemaskini profil diri di sistem PADU, menjadikan 17.65 juta (58.7%) keseluruhan profil rakyat, termasuk ahli isi rumah bawah 18 tahun, yang berjaya dikemaskini di sistem PADU.



Pecahan pendaftaran mengikut negeri adalah seperti berikut :

<b>Negeri</b>	<b>% Pendaftaran (warganegara berumur 18 tahun dan ke atas)</b>
Johor	48.4
Kedah	58.9
Kelantan	65.2
Melaka	53.0
Negeri Sembilan	56.2
Pahang	59.7
Pulau Pinang	52.9
Perak	60.3
Perlis	66.9
Selangor	44.5
Terengganu	62.7
Sabah	52.8
Sarawak	46.7
W.P. Kuala Lumpur	47.6
W.P. Labuan	55.2
W.P. Putrajaya	56.5
<b>Jumlah</b>	<b>52.6</b>

Kementerian Ekonomi seterusnya akan membentangkan perancangan penyasaran semula subsidi kepada jemaah menteri dalam bulan April. Sebarang pengumuman berkenaan hal ini akan diumumkan oleh kerajaan pada masa yang akan datang.



Kepada warganegara yang tidak berjaya mendaftar dan mengemaskini profil di PADU, data pentadbiran yang sedia adalah mencukupi dan akan digunakan untuk kerajaan menentukan kelayakan individu bagi tujuan penyasaran semula subsidi.

Sekiranya ada keperluan, Kementerian Ekonomi akan umumkan pembukaan semula PADU untuk tempoh yang singkat bagi pendaftaran dan pengemaskinian, setelah kerajaan membuat keputusan bentuk dan mekanisme subsidi bersasar.

**RAFIZI RAMLI**

**1 APRIL 2024**